

Bosna i Hercegovina
Federacija Bosne i Hercegovine
KANTON SARAJEVO
Služba za skupštinske poslove



Босна и Херцеговина
Федерација Босне и Херцеговине
КАНТОН САРАЈЕВО
Служба за скупштинске послове

Bosnia and Herzegovina
Federation of Bosnia and Herzegovina
CANTON SARAJEVO
Services of Assembly's Affairs

P R A V I L N I K
O IZMJENAMA I DOPUNAMA PRAVILNIKA O RADNIM ODNOSIMA
DRŽAVNIH SLUŽBENIKA I NAMJEŠTENIKA SLUŽBE ZA SKUPŠTINSKE
POSLOVE SKUPŠTINE KANTONA SARAJEVO

april 2024. godine



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-055, Fax: + 387 (0) 33 562-210
Web: <http://skupstina.ks.gov.ba>
E-mail: skupstina@skupstina.ks.gov.ba

Na osnovu člana 118. Zakona o radu ("Službene novine Federacije BiH", br.: 26/16, 89/18 i 44/22), člana 66. stav (2) Zakona o organizaciji organa uprave u Federaciji Bosne i Hercegovine ("Službene novine Federacije BiH", broj: 35/05), čl. 2., 48., 49. i 50. Zakona o namještenicima u organima državne službe u Federaciji Bosne i Hercegovine ("Službene novine Federacije BiH", br.: 49/05, 45/10 i 103/21), čl. 48., 49. i 50. Zakona o državnoj službi u Kantonu Sarajevo ("Službene novine Kantona Sarajevo", br.: 31/16 i 45/19), čl. 44. i 76 Kolektivnog ugovora za službenike organa uprave i sudske vlasti u Federaciji Bosne i Hercegovine ("Službene novine Federacije BiH", broj: 98/23) i člana 112. stav (1) Kolektivnog ugovora za državne službenike i namještenike u organima državne službe Kantona Sarajevo ("Službene novine Kantona Sarajevo", broj: 51/23), sekretar Skupštine Kantona Sarajevo, d o n o s i

P R A V I L N I K
O IZMJENAMA I DOPUNAMA PRAVILNIKA O RADNIM ODNOSIMA DRŽAVNIH
SLUŽBENIKA I NAMJEŠTENIKA SLUŽBE ZA SKUPŠTINSKE POSLOVE
SKUPŠTINE KANTONA SARAJEVO

Član 1.
(Izmjena člana 3.)

U Pravilniku o radnim odnosima državnih službenika i namještenika Službe za skupštinske poslove Skupštine Kantona Sarajevo (u daljem tekstu: Pravilnik), broj: 15-02-11098/20 od 29.04.2020. godine, u članu 3. iza stava (2) dodaju se novi stavovi (3), (4) i (5) koji glase:

"(3) Redovno dnevno radno vrijeme utvrđuje se i koristi u skladu sa Uredbom o pravilima kućnog reda i radnom vremenu u kantonalnim organima uprave ("Službene novine Kantona Sarajevo", broj: 38/22), u vremenu od 8,00 do 16,30 sati, uz mogućnost početka i završetka radnog vremena u intervalu:

- a) početak od 07,30 do 08,30 sati i
- b) završetak od 16,00 do 17,00 sati.

(4) Zaposlenici tokom redovnog dnevnog radnog vremena iz stava (3) ovog člana imaju pravo na odmor u toku radnog vremena (dnevna pauza) u trajanju od 30 minuta koji se ne uračunava u radno vrijeme i ne može se koristiti na početku i na kraju radnog vremena.

(5) Sekretar Skupštine je dužan zaposleniku omogućiti dnevnu pauzu iz stava (4) ovog člana u trajanju od jednog sata (60 minuta) za jedan dan u toku radne sedmice".

Član 2.
(Izmjena člana 8.)

(1) U članu 8. tačka c) alineja 3) Pravilnika, mijenja se i glasi:

"3) samohrani roditelj, staratelj i lice kojem je dijete rješenjem nadležnog organa povjereno na čuvanje i odgoj sa hendikepiranim djetetom (za svako dijete)... dva dana, ".

(2) U istom članu tačka d) alineja 2) Pravilnika mijenja se i glasi:

“2) za naročito/izuzetno uspješne rezultate rada.....dva dana, “.

Član 3.
(Izmjena člana 13.)

(1) Uvodna rečenica u članu 13. stav (1) Pravilnika mijenja se i glasi:

“(1) Državni službenik i namještenik ima pravo na odsustvo uz naknadu plaće (plaćeno odsustvo) do 7 (sedam) radnih dana u kalendarskoj godini, u slijedećim slučajevima:”.

(2) U istom članu iza stava (2) dodaju se novi stavovi (3) i (4) koji glase:

“(3) Državni službenik ili namještenik za vrijeme obrazovanja ili stručnog osposobljavanja ili usavršavanja, isključivo za potrebe poslodavca kod kojeg je zaposlen ima pravo na plaćeno odsustvo u trajanju koliko traje obrazovanje ili stručno osposobljavanje ili usavršavanje, u skladu sa ovim Pravilnikom.

(4) Državni službenik ili namještenik koji je predsjednik ili član sindikata ima pravo na plaćeno odsustvo za vrijeme trajanja pregovora oko zaključivanja kolektivnog ugovora, odnosno i u drugim slučajevima ukoliko se odazove na poziv za sastanak resornog ministarstva ili Vlade Kantona Sarajevo, ukoliko se sastanak održava u radno vrijeme.”

(3) Dosadašnji stavovi (3) i (4) postaju (5) i (6).

Član 4.
(Izmjena člana 15.)

U članu 15. Pravilnika iza riječi na kraju teksta: “...na koje je državni službenik i namještenik raspoređen”, briše se interpunkcijski znak tačka i dodaju se riječi : ”kao i za potrebe sindikalnog rada.”

Član 5.
(Stupanje na snagu Pravilnika)

Ovaj Pravilnik stupa na snagu narednog dana od dana objavljivanja u “Službenim novinama Kantona Sarajevo”.

Broj: 15-02-101/24
Sarajevo, 29.04.2024. godine



OBRAZLOŽENJE

I-PRAVNI OSNOV

Pravni osnov za donošenje ovog pravilnika sadržan je u članu 118. Zakona o radu ("Službene novine Federacije BiH", br.: 26/16, 89/18 i 44/22) kojim je propisana obaveza donošenja pravilnika o radu, čl. 48., 49. i 50. Zakona o državnoj službi u Kantonu Sarajevo ("Službene novine Kantona Sarajevo", br.: 31/16 i 45/19) kojima su utvrđeni uslovi rada, odsustvo i godišnji odmori, članu 66. stav (2) čl. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj: 35/05) kojim je utvrđeno donošenje pravilnika kao provedbenog propisa, čl. 2., 48., 49. i 50. Zakona o namještenicima u organima državne službe u Federaciji Bosne i Hercegovine ("Službene novine Federacije BiH", br.: 49/05, 45/10 i 103/21) kojim je utvrđeno radno vrijeme, odmori i odsustva, čl. 44. i 76. Kolektivnog ugovora za službenike organa uprave i sudske vlasti u Federaciji Bosne i Hercegovine ("Službene novine Federacije BiH", broj: 98/23) kojim je utvrđeno da se prednacrti i nacrti propisa i općih akata iz oblasti radno-pravnih odnosa dostavljaju na mišljenje i razmatranje Sindikatu kao i usklađivanje akata koji se odnose na radne odnose, plaće i druge naknade i čl. 112. stav (1) Kolektivnog ugovora za državne službenike i namještenike u organima državne službe Kantona Sarajevo ("Službene novine Kantona Sarajevo", broj: 51/23) kojim je propisan rok za usklađivanje akata.

II-RAZLOZI ZA DONOŠENJE

Razlozi za donošenje ovog pravilnika su usklađivanje sa propisima više pravne snage kao i usklađivanje sa odredbama važećih kolektivnih ugovora za državne službenike i namještenike u organima državne službe Kantona Sarajevo.

III PRAVNA RJEŠENJA

U Pravilniku o radnim odnosima državnih službenika i namještenika Službe za skupštinske poslove Skupštine Kantona Sarajevo izvršene su izmjene i dopune i to: -u članu 3. Pravilnika, gdje su dodani stavovi (3), (4) i (5) koji se odnose na redovno radno vrijeme, uz primjenjivanje Uredbe o pravilima kućnog reda i radnom vremenu u kantonalnim organima uprave ("Službene novine Kantona Sarajevo", broj: 38/22), -u članu 8. tački c) alineji 3) Pravilnika, koji se odnosi na uvećanje godišnjeg odmora, dodane su riječi "i lice kojem je dijete rješenjem nadležnog organa povjereno na čuvanje i odgoj" i u istom članu kod tačke d) izvršena je izmjena alineje 2), -u članu 13. stav (1) izvršena je izmjena uvodne rečenice, te su u istom članu iza stava (2) dodani novi stavovi (3) i (4) koji su vezani za plaćeno odsustvo, -u članu 15. na kraju teksta, iza interpunkcijskog znaka tačka, dodane su riječi "kao i za potrebe sindikalnog rada".

IV-FINANSIJSKA SREDSTVA

Za provođenje ovog pravilnika nisu potrebna dodatna finansijska sredstva iz Budžeta Kantona Saajevo za 2024. godinu.